

اِسْتِثْنَا

نومرو ۱۹

پنجشنبه

۲۱ كانون ثاني ۱۳۲۴

تجارت قانوننامه من

افرادك و ماترك رفاء و سعادتي تأمين ايليان اسباب ماديه نك برنجيسي « ثروت » و آني استحصاله مدار اولان و ساطك باشلوجيسي دخی تجارتدر .
ازمنه متوسطه ده اولديني كي ازمنه متأخره ده دخی دولتر و ملتر تجارتك ترقیاتی اداره ملك و دولت بحثنده اك مهم بر اساس عد ایشلر و بو ترقیاتی تأمين ایچون تجارتك و معاملات تجاریه نك مظهر تسهیلات اولمسی الزام ایله او یوله قانونلر نشر و ترتیب ایشلردر . بناء علیه قانون تجارتدن مقصد معاملات تجاریه نك بر مجرای سالمده جریاتی و توسع و ترقیسی تأمیندن عبارتدر . بونك ایچون واضع قانون اساس و روحی اعتبار و سرعت معامله و امنیت دن عبارت اولان تجارت ایچون قانون ترتیب ایشكله بر طرفدن امنیت و سرعت معامله بی و دیگر طرفدن اعتباری توسیع ایلمك مقصدینه خدمت و بو وجهله تجارتله مشغول اولانلرك شخصلرنجه و اجرا ایلدكلری معاملات اعتباریله بر طاقم احكام استثناییه تابع بولنلری لزومی قبول ایلمشدر .

عثمانی تجارتك معاملات واقعه لرنده اتباعه مجبور اولدكلری بو كونی قانون تجارت من فرانسده بوندن یوز سنه اول منتشر و فقط صكره لری خیلیدن خیلیه دكشدیرلمش بولان قانون تجارتدن اقتباس و همان عینله ترجمه صورتده وجوده كتیرلمش اولوب بدایت انتشارنده بیله نقصان ایكن هنوز تعدیل و اكال اولنمیشدر . ایشه قانوننامه تجارت بجه احكام عدلیه عنوانی آلتنده و قانون مدنی ماهیتنده تدوین اولان احكام اساسیه شرعیه نظر اعتباره آلتقمسزین ترجمه ایدلمش

اولمسندن طولاییدرکه مثلاً اهلیت قانونیه بی حکم شرعی وجهله تعیین ایدن
مجله ایله تعارضی و بنابرین تجاردن و معاملات تجاریه دن بحث ایدن ایشو قانونده
اهلیت تجاریه شرائطنک دولتجه تمسک اولنان اصول شرعیه به مغایرتی کبی
اهمیتی بر یاکاشلق اولمش و کذلک هم «سند» و همده «عقد» مناسنده قوللانیلان
فرانسزجه بر کلمه نك اولکی معاده تلقیمی اوزرینه سندسز معاملات تجاریه
اوله میه جنی حکمی چیقاران ماده مثللو اصول ترجمه ده عدم وقوف نتیجه می
اوله رق قانونه نیجه غلط و یا مهم الفاظ و عبارات کیرمش و بعض ماده لرك ایسه
مدلولرینک اکلاشلمسی غیر ممکن و بر طاقنک بزده محتویات اعتباریله غیر قابل
تطبیق اولمسندن بشقه اکثر موادنجه مؤخرأ نشر اولنان اصول محاکمات حقوقیه
قانوننامه موقی احکامه مغایر دوشدیکندن الحاله هذه تماماً تطبیق غیر ممکن
و باشند باشه محتاج نظر اصلاح قالمشدر. مجله احکام عدلیه ایسه شمول واحاطه
احکام اعتباریله و معاملات ناسده رهبر اصلی و عمومی و قوانین سائریه اکثر
احوالده مرجع اولقی حیثیتله درجه اولیده حاز اهمیت بولندیقندن احکامه
منبع اولان مسائل مجتهد فیهادن ایجابات زمانه انطب اولانلرك ترجیحاً تطبیق
لابد بولنشدر.

تجارت قانوننامه می دولتجه اصول جدیده اوززده وضع و تدوین اولنان
ایلك قانونلردن بری اولوب هیچ بر شیده مبادی و بالخصوص مشکلاتی عرض
و تعریفدن مستغنی اولان اعمال تشریعیده ابتدائیات جزئی و یا کلی نقصاندن
مصون قالمیه جنی و تأسیسات نظامیه آنجق تطبیقات و تجارب ایله تکمیل اولنه جنی
درکار بولنشدر. ازمنه اخیرده معاملات ناسجه و خصوصیه عادات و اصول
تجاریه ده تحولات و تکملات عظیمه حصوله کلوب قوانینک احتیاجات عصری
دائماً تعقیب و ملاحظه ایلمسی حکمت و ضلعری ایجاباتسندن اولدیقندن مجله
احکام عدلیه نك معاملات تجاریه به تطبیقنجه شودقایق نظر اعتنایه آلتیر و ازمان ایله
احکامک تبدیلی قاعده شرعیه سنک و یردیک مساع درجه سنده کوریلن نقائصی
اکمال ایدیلیرسه تجارت قانوننامه مزكده حوائج و مناسبات مدنیه حاضرده موافق

بر طرز مکملیته افرای ایدیه چکی آشکار بولنشدر.

فیکرمزی ایضاح ایچون المزده بولان تجارت قانوننامه سنک بعض موادینی کوزدن یکیرمک ایجاب ایلر . آنک ایچون ایشه تجاری توصیف ایدن برنجی ماده دن باشلام . بو ماده موجبیه «تجارتله مشغول اولان و تجارتیه دایر باسندات عقد مقاوله ایدن اشخاصه تجار اطلاق اولنور» اشته کوریلدیورکه تاجر صفتی تعیین ایچون بو برنجی ماده نك مندرجاتی هیچ بر وقت اساس عد اولنه ماز . قانون تجارتك مترجملری هیچ شبه یوق که شو برنجی ماده نی عن قصد بوضورته ترجمه ایتشلردر . زیرا قانونك حین ترجمه سنده ممالک عثمانیه ده هنوز محاکم نظامیه تاسیس و تشکیل ایدلمش و افراد دینده تحسنت ایدن دعاوی محاکم شرعیه ده رؤیت ایدیه گنکده بولنش اولدیغندن بو مترجلر اولوقت سنده مربوط معاملاتدن منبعث اختلافاتك قسم اعظمی تجارت محکمه لرده رؤیت ایتدرمک ایچون برنجی ماده نی بوضورته ترجمه ایتشلردر . حالبوکه شو ترجمه یه اساس اولان فرانسه تجارت قانوننامه سنک برنجی ماده سی «معاملات تجاریه ایفا ایدن و بو معاملات کنندوسنه دائماً صنعت اتخاذ ایدن اشخاصه تجار اطلاق اولنور» طرزنده در . بناء علیه برکیمیه تاجر اطلاق اولنه یلمک ایچون اول شخصك اول تجارت معامله سی ایفا ایتسی و ثانیاً دائماً صورتده بو معامله ایله مشغول اولسی و ثالثاً بو معامله نی کنندوسنه صنعت اتخاذ ایلش بولنمی الزمدر .

قانونك ایکنجی ماده سنده «یکرمی بر یاشنی تکمیل ایدنلر دخی ولی ویا وصیتی طرفندن تکفل و تجارتخانه جانیندن ارائه رخصت اولنمدجه تجارتیه سلوکه مأذون اولمیه» دنیلمشدر . قانون تجارت مترجملری شوماده نی ده ترجمه ایدر ایکن احکام استاسیه من اولان قواعد شرعیه نی نظردن دور طوتمشلردر . احکام شرعیه مزده حد بلوغ ایله سن رشد بر نقطه نظردن تفریق ایدیلور .

حد بلوغ کرک ارک و کرک قادین ایچون اونیش یاشنده درکه بووجودجه مکملیت درجه سنه واصل اولمق دیکدر . مثلاً بر ارک هر نوع صفات رجلیتی حاز بولنورسه بالغ عد اولنور . کذلک بر قادینده حصول طهت بلوغه علامتدر .

سن رشد ایسه بر شخصك طریق استقامتی، نيك و بدی تفریق ایدیه بیلجهك
 قوه میزه اصحابندن بولمسی ایما ایدر بو کون نظر شرعهده بر شخصك رشید
 عد ایدیه بیلجهکی ایچون حد بلوغه واصل اولمسی کافی دکلدر. بناء علیه بر کیسه نك
 قانوناً حازر اولدینی اقتدار معامله تجارتيك ایفاسی ایچون اس اولمق لازمکسه
 مجله جلیله احکامنجه اون بش یاشی اکیال ایتش اولان اشخاصك جمله سی
 تجارتله مشغول اولمق و تجارتی کندیسنه صنعت اتخاذ ایدیه بیلجه صلاحیتی حازر
 اولمیدر. چونکه مجلهده اون بش یاشی اکیال ایتش اولان هر شخصك بالغ عد
 اولنه جنی مصر حدر. بناء علیه شو مادهده مذکور اولان ویکرمی یاشی اکیال
 ایتدیکه بر شخصك تاجر صفتی اکتساب ایدیه میه چکی اشعار ایدن شو قید
 اساساً احکام عمومیه من ایله غیر متناسبدر. بو قید یالکز بر استثنایه تابعدرکه
 اوده اون سکر یاشی اکیال ایتش اولانلرک ولی ویا وکیلرینك کفالتله و تجارت
 محکمه سنك رخصتیه تجارتیه سلوک ایدیه بیلجهکریدر. حالبوکه شو خصوصی بزده
 تطبیق ایتمك كوجدر. زیرا بزده بو یاشده اولان بر شخص تحت وصایت
 و ولایتده بولمیدیفندن بویله بر شخصك ولی ویا وصیسی تعیین ایتمك كوج
 بر مسئلهدر. اون سکر یاشنده بر آدمك وصیسی اعلام شرعیله تعیین اولنور
 حالبوکه بو سنه واصل اولان بر شخصه وصی تعیین اولمق وارد خاطر دکل
 ایسهده صراحت قانونیه حاضره خارجنده معامله یهده امکان متصور دکلدر.

تفصیلات آفهدن مستبان اولدینی وجهله دکل یالکز تجارت قانونی حق
 حقوق و جزایه عائد بالمله قوانینرک احتیاجات زمانیه کوره تعدیل و تصحیحی
 ودور مشروطیت مزه لایق و تبعه عثمانیه نك احتیاجاتنه موافق قانونلر تنظیمی
 دائرة الزمیتدهدر.

استطراد قبلیندن اولمق اوزره شونیده علاوه ایدیه مکه بوندن برسنه اول
 قوانین تجارتیه عثمانیه نك معاملات تجارتیه حاضره نقطه نظرندن نقائصی بولندینی
 کی مجله جلیله احکامی و تطبیقاتی دخی محتاج اصلاح و ایضاح اولدیفندن بحث
 ایله تجارت و اصول محاکمه تجارتیه قانونلرینك حال حاضره جریان ایدن تجارت

معاملاتك استلزام ایستدیکي درجه ده و محاکم مختلطه به عرض اولنان هر کونادعاوی بی ممکن اولدینی قدر درپیش و اشتمال ایده جک صورتده تعدیل و تقیم ایلمسی و اشبو محکمه لر طرفندن مجله به بدل بعدالتعدیل تجارت قانوننامه سی احکامك تطبیقه الحاله هذه غالباً اهمال اولنان عادات تجاریه به تمامیه رعایت اولنسی ضمننده باب عالی به وقوع بولان مراجعت اوزرینه اولوقت عدلیه نظارتنده تعدیل قوانین قومیسونیو نامیه بر قومیسونیون تشکیل ایلمش و آنلر طرفندن اصلاح و تنظیم قلنان بعض احکام قانونیه بالاخره روما سفیری استاد محترم حق بك افندی حضرت تریله محمود اسعد افندی طرفلرندن کوزدن کچرلشیدی ؛ شوئلر و دیگر تعدیلات اعضای محترمه سندن بك جوغی حقیقه مهره حقوق شناساندن بولنان مجلس مبعوثانزلده نظر تدقیق و تفحصندن کچریلوب شکل قانونی اکتساب ایلایسه آئیده آنلرک تطبیقندن ملک و ملتجه حصوله کله جک نتایج حسنه بك پارلاق اوله جفته شمیدین امیدوار اولماق افرمز بدیهیدر .

مکتب ملکیه مأذونلرندن

ابراهیم احسان

عثمانی استقراضلری

۳

سلطان عزیز خان دوری

اون برنجی نسخه دن مابعد :

۱۸۶۲ استقراضی . — میرمستقراضك موفقیتسزلیکی حکومت - دنیه بی مشکل بر موقعه ده برافه رق غلطه بانکرلریله معامله به کیریشن انکلیز و فرانسز تجارت اولرینك موجب فلاکتی اولدی .

فی الحقیقه استانبول پیاسه سی بك مؤلم بحران صفحهلری کچیریور ابدی : مقاومت ایده مینلر یکدیگر بی متعاقب اعلان افلاس اتمکله ؛ ناموس و اعتبار تجاریلری بی محافظه به بتون قوتلریله چالیشانلرده ماملککریخی، عالمهلرینك مجوهرانه